

出家學佛與在家學佛

出家學佛與在家學佛（佛學講義之六）

第一章 佛・佛道・學佛

出家在家
學佛之道

世出世間，唯佛最尊，唯佛最明，唯佛最智，唯佛究竟解脫；所謂衆生之模範，人天之師表是也。然佛之所以成佛者，有道焉：去惡，行善，自淨，化他，卽所以致佛之道也。有因聲聞乘而得度之道，有因菩薩乘而得度之道，有出家菩薩得度之道，有在家菩薩得度之道；其所修行，謂之佛道；其行滿者，卽是成佛；故佛道不可以不講也。出家菩薩有出家學佛之道，在家菩薩有在家學佛之道；道本無殊，隨宜有別；本書卽專就出家者，與在家者，而論其學佛之道焉。

學佛之對象

將欲明所以學佛之道，必先明於何者謂之佛？何者謂之佛道？何者謂之學佛？「佛」者，吾人所學之對象與目的也；對象不知，目的不明，則不足言學也。「佛道」者，諸佛成佛之所由，亦吾人學佛之所循者也；若不知其道而由之，亦不足言學也。「學佛」者，由其道以赴其目的也；志在賢聖，則賢聖矣；志在於佛，則入佛矣；儒者有言：「周公我師也，孔子豈欺我哉。」學佛之道，亦猶是也。

佛

今請先言「佛」。所謂佛者，如佛地論云：「於一切法，一切種相，能自開覺，亦開覺一切有情，如睡夢覺醒，如蓮華開，故名爲佛。」又雜阿含經云：「離垢不傾動，已拔諸劍刺，究竟生死際，故名爲佛陀。」此言佛之二覺（自覺覺他）與二利（自利利他）也。又佛具有一百

佛道

四十不共法。所謂三十二相，八十種好，十力，四無礙解，四無所畏，三念處，七無上；具如菩薩地持經所說。此言佛之智德無上也。又如過去現在因果經云：『一切光明中，日照爲其最；於諸福田中，佛福田爲最。』此言佛之尊勝也。吾人所學之對象，在於是矣。

次言佛道！所謂佛道者，卽名爲法，又名聖道。如涅槃經云：『法是佛母，佛從法生；一切如來皆供養法故。』又地論云：『道者是因；修行此道，能到聖處，名爲聖道。』此言佛之所以成佛，衆生之所以學佛，皆不離乎佛道也。佛道者何？如增一阿含經云：『諸惡莫作，衆善奉行，自淨其意，是諸佛教。』所以然者，諸惡莫作，是諸法本，便生一切善法；以諸善法，心意清淨……盡具足諸佛之教……諸惡莫作，戒具之禁，清白

之行。諸善奉行，心意清淨。自淨其意，除邪顛倒。是諸佛教，去愚惑想。此意云何？戒清淨者，意豈不淨乎？意清淨者，則不顛倒。以無顛倒，愚惑想滅，諸三十七道品，便得成就。以成佛果。『吾人學佛所由之道，卽謂此也。』

學佛

次言學佛！所謂學佛者，卽求佛道而致佛果也。如法華經云：『恆沙菩薩，種種因緣，而求佛道。』又無量壽經云：『譬如大海，一人升量，經歷劫數，尙可窮底，得其妙寶。人有至心，精進求道不止，會當剋果，何願不得。』此言求道之必可致果也。學佛之道有三：一者聞，二者思，三者修。如優婆塞戒經云：『聲聞之人，從聞得故；辟支佛人，從思得故；菩薩行人，從修而得；覺悟一切，是名爲佛。』又此身口意中，口誦佛之言，

身行佛之行，意念佛之念；如是學者，去佛不遠。雜寶藏經云：『佛法寬廣，濟度無涯，至心求道，無不獲果。』佛豈有異哉？要在衆生之學而致之否耳。

上來所明，係言佛・佛道・學佛之大意，今當進而論述出家學佛與在家學佛之道。

【問題】

（一）衆生如何可致佛果？

第二章 總說出家學佛與在家學佛

今說是章，略分五義：一者釋名，明釋出家與在家之名義故；二者辨衆，辨別佛弟子出家在家諸衆故；三者論位，論列佛法中出家與在

家者之地位故。四者述類，舉述出家與在家者之品類故。五者言道，略言出家與在家者學佛之要道故。

第一節 釋名

(一)

何謂家

「家」者，煩惱之聚也；有親屬以累其想，有名利以動其意，有世事以紛其心，有禍患以擾其志。故居「家」者，輒多苦惑；如在火聚，方思出離；蓋行道之人，實無貴乎有此家也。

出家之意義

梵語波吠儼野，Aranyaka 此言出家；出離在家之生活，而修沙門之淨行也。釋氏要覽引毗婆沙論云：「家者，是煩惱因緣。夫出家者，爲滅垢累，故宜遠離。」法苑珠林云：「出家造惡極難，如陸地行船，在

在家之意義

家起過卽易，如海中汎舟。又出家修道易爲，如海中汎舟；在家修福甚難，如陸地行船。船雖是同，由處有異；故遲速不同，修犯難易。是知生死易染，善法難成；早求自度，勵慕出俗。『此卽出家行者之謂也。』

在家者，乃對於出家者之稱；在家而有父母妻子眷屬，而有世事營謀勞役者，是也。如上之人，以種種因緣，不能出家，雖是居家，而能修行佛道，亦不失爲菩薩之類。如維摩經弟子品云：『我得佛言：父母不聽，不得出家。』法苑珠林云：『力慕善道，可用安身；力慕孝悌，可用榮親；亦有君子，高慕釋教，遵奉修行，貞仁退讓，廉謹信順，皆是宿種，稟性自然，與道何殊。』此在家者之謂也。

(二)

出家在家
衆名

優婆塞戒經云：『菩薩有二種：一者出家，二者在家。』出家者，復有多名，或稱沙門，或稱僧伽，或稱比丘，或稱緇衣，或稱和尚，或稱頭陀。在家者，亦有多名，或稱居士，或稱俗人，或稱白衣。外有多稱，不遑備舉。略述上來名義如次。

出家衆名

沙門 梵語 *Sramana* 舊也 舊譯 作沙門，或作婆門，桑門，喪門，沙門。

那；此言息心，淨志，貧道等。新

也 新譯

作室摩那拏，舍囉磨拏，沙迦憊囊；此

云功勞，勤息，勤勞，修佛道等義，總爲出家者之都稱也。阿含經云：『捨

離恩愛，出家修道，攝御諸根，不染外欲，慈心一切，無所傷害，遇樂不欣，

逢苦不戚，能忍如地，故號沙門。』四十二章經云：『佛言：辭親出家，識

心達本，解無爲法，名曰沙門。』俱舍論云：『諸無漏道，是沙門性；懷此

道者，名曰沙門；以能勤勞，息煩惱故。」

僧伽 梵語 Saṅgha (僧伽) 略言僧，譯云和合衆，謂衆多比

丘，和合一處之謂也。智度論云：『僧伽，秦言衆，諸多比丘，一處和合，是名僧伽。』大乘義章云：『僧者，外國正音，名曰僧伽，此方翻譯名和合。』報恩經云：『衆僧者，出三界之福田，謂比丘具有戒體，戒爲萬善之根；是故世人歸信，供養種福，如沃壤之田，能生嘉苗，故號良福田。』四分律行事鈔云：『四人已上，能御聖法，辦得前事，名之爲僧。僧以和合爲義。言和合者，有二義：一理和，謂證擇滅故；二事和，此別有六義：一戒和同修，二見和同解，三身和同住，四利和同均，供養之利五口和無諍，六意和同悅。』夫僧爲衆多比丘之稱，非一比丘可稱爲僧也。如南海寄歸

傳云：『凡有書翰往還，題云求寂某乙，小慈蕒某乙，……不可言僧某乙。僧是僧伽，目乎大眾，寧容一已，輒道四人？西方無此法也。』是則四人已上，始得稱僧；然一比丘，則爲僧之一分，亦有稱爲僧者。如僧史略云：『若單曰僧，則四人已上，方得稱之；今則分稱爲僧，理亦無爽。如萬二千五百人爲軍，或單已一人亦稱軍也；僧亦同之。』

比丘 梵語 Bhiksū，舊作比丘，新作苾芻，焮芻，譯云乞士，除士，除饑男，破煩惱，怖魔，薰士，道士等；蓋出家爲佛弟子，受具足戒者之都名也。智度論云：『云何名比丘，比丘名乞士，清淨活命，故名爲乞士。復次，比丘名破，丘名煩惱，能破煩惱，故名比丘。復次，受戒時自言：我是某甲比丘，盡形壽持戒，故名比丘。復次，比丘名怖，丘名魔，能怖魔王，及魔人名；

當出家剃頭，著染衣受戒，是時魔怖，何以故？怖魔言：是人必得入涅槃。『維摩經注』云：『比丘，秦言，或名淨乞食，或名破煩惱，或名淨持戒，或名能怖魔。天竺一名，該此四義。秦言無一名以譯之，故存本名焉。』玄應音義云：『梵言比丘，此言乞士，即與除饑義同。除六情饑，斷貪欲染也。以善法熏修，即言熏士。』

緇衣 出家人著緇衣，故稱曰緇。如出家之徒，稱為緇徒，或稱緇流，出家衆所居之叢林，渭之緇林。釋氏要覽云：『緇流，此從衣色名之也。』

和尚 梵語 Upadhyaya，此作和尚，或作和上，律家用上字，其餘多用尙字。本

爲印度之俗語，呼師曰烏社，至于闍國等則稱和社，和闍 (Khosha)

等，和尙者，其轉訛也。羅什三藏翻爲力生，謂弟子依師而道力得生故。業疏云：『自古翻譯，多雜蕃胡，胡傳天語，不得聲實，故有訛僻，轉云和上。如昔人解「和中最上」，此逐字而解，不知音本。人又解云，翻「力生」，弟子道力，假教生成，得其遠意，失其近語。眞諦所譯明了論，則云優波陀訶，稍近梵音，猶乖聲論。余親參譯，委問本音，如上所述。』彥琮譯云：「郁波弟耶，聲相近也。」玄應音義云：「和尙，菩薩內戒經作和闍，皆于闐國皆訛也。應言郁波弟耶，此云近誦，以弟子年少不離於師，常逐近受經而誦也。又言鄔波陀耶，此云親教。」

頭陀 梵語 Dhuta (頭陀) 又作杜荼，杜多，譯曰抖擻，抖擻，浣洗等。謂抖擻煩惱，又抖擻衣食住三種貪着之行法也。善住意天子經

云：『頭陀者，抖擻貪欲瞋恚愚癡，三界內外六入。』大乘義章云：『頭陀胡語，此方正翻名爲抖擻。此離著行，從喻名之。如衣抖擻，能去塵垢；修習此行，能去貪著，故曰抖擻。』出家行道之人，應受十二種頭陀之行。如大品經云：『十二頭陀，一作阿蘭若，二常乞食，三納衣，四一坐食，五節量食，六中後不飲漿，七塚間住，八樹下，九露地住，十常坐不臥，十一但三衣。』

如上釋出家名義已。次言在家名義。

在家衆名

居士 梵語迦羅越Kulapati，此云居士；謂居家之士，在家而志

於佛道者。如維摩經慧遠疏云：『居士有二，一廣積資財，居財之士，名爲居士。二在家修士，居家道士，名爲居士。』法華玄贊云：『守道自恬，

寡欲蘊德，名爲居士。『十誦律云：『居士者，除王、王臣、及婆羅門種，餘在家白衣，是名居士。』

俗人 梵語識羅婆他 *Grihastha*，此言俗人，謂世俗之人，在家之人也。就形服言，稱爲俗形。如薩婆多律云：『非法衣服，是俗形儀。』蓋在家之人，不脫塵俗，非若出家者之清淨解脫，故稱俗人。

白衣 此爲俗人之別稱；以天竺之婆羅門及俗人，多服鮮白之衣故也。以是稱出家之人，則謂之緇衣，或染衣；而在家之人，則謂之白衣。涅槃經疏云：『天竺俗尚穿白，故曰白衣。』維摩經方便品云：『雖爲白衣，奉持沙門清淨律行。』此言在家者修出家之行也。

清信士女 梵語 *Uttasika* 舊作優婆塞，新作鄔波索迦，譯云清

信士，或云近事男，謂親近奉事三寶，受持五戒，得清淨信心之男子也。又梵語 *Upāsika* 舊作優婆夷，新作鄔波斯迦，譯云清信女，或云近事女，謂親近奉事三寶，受戒五戒，得清淨信心之女子也。淨名疏云：『優婆塞，優婆夷，此云清信士，清信女，亦名善宿男，善宿女。』居家持五戒，近事於佛，堪近僧住，故云善宿。業疏釋清信士云：『正音云鄔波索迦，唐翻善宿也。』成論云：此人善能受持戒宿，古人以爲清信士者，清是離過之名，信爲入道之本，士卽男子通稱，取意得矣，在言少異。』清信女亦準此可知。

第二節 辨衆

(一)

四衆

在諸經中，列佛弟子，皆標四衆。四衆者：一比丘，二比丘尼，三優婆塞，四優婆夷。前二衆是出家修行者，後二衆是在家修行者。

比丘，卽苾芻，是出家受具足戒之男子，其義如前所述。比丘尼 Bhiksuni 新作苾芻尼，卽出家受具足戒之女子也。比丘爲僧，尼者天竺女聲，男僧云比丘，女聲云比丘尼也。優婆塞，卽清信士，爲在家奉佛持戒之男子。優婆夷，卽清信女，爲在家奉佛持戒之女子也。

(二)

七衆

大論云：『佛弟子七衆：一比丘，二比丘尼，三式叉摩那，四沙彌，五沙彌尼，六優婆塞，七優婆夷。』此於諸經所標四衆之外，別加式叉摩那沙彌，沙彌尼三衆；此三衆爲出家而未受具足戒者，合上述比丘，比